



UPRAVA POLICIJE

Broj: 05-04/06-11-635/2023

Dana: 15.09.2023. godine

Na osnovu člana 17. stav (3) i stav (4), člana 18. stav (1), člana 87. i člana 90. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22), člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj 13/16, 16/17), te Pravilnika o javnim nabavkama MUP-a USK-a i Uprave policije MUP-a USK-a („Službeni glasnik USK“ broj: 09/23), načelnik Sektora kriminalističke policije Uprave policije Ministarstva unutrašnjih poslova Unsko-sanskog kantona **d o n o s i:**

POSEBNU ODLUKU

o pokretanju postupka javne nabavke putem direktnog sporazuma

Član 1.

Odobrava se nabavka usluga - tehničkog pregleda i identifikacija novog vozila, usluge osiguranja vozila od automobilske odgovornosti i nezgode i registracije, za dodijeljeno službeno motorno vozila marke Ford Mondeo reg.oznaka A52-K-942 i novonabavljeno priključno vozilo (prikolica za prevoz vozila), marke „LIDER“ 2L2, za potrebe Uprave policije MUP USK-a.

Član 2.

Sve usluge vezane za registraciju vozila vršiče se do iznosa od 1.000,00 KM bez uračunatog PDV-a, uz prilaganje pojedinačnih računa za izvršene usluge.

Oznaka i naziv iz JRJN:

- 66514110-1 – usluge osiguranja motornih vozila

- 71631200-2 – usluge tehničkog pregleda vozila

Član 3.

Nabavka iz člana 1. ove Odluke će se provesti putem direktnog sporazuma u skladu sa članom 87. stav 1. tačka (b) i članom 90. Zakonom o javnim nabavkama („Službeni glasnik BiH“ broj 39/14, 59/22). Ugovorni organ će izvršiti dopunu Plana javnih nabavki na portalu javnih nabavki u skladu sa ovom Odlukom.

Član 4.

Za realizaciju ove Odluke zadužuje se Odsjek za materijalno opremanje i komercijalne poslove, Sektor za materijalno-fnansijske poslove i informacijsko-komunikacijske tehnologije Uprave policije MUP USK-a.

Član 5.

Ova Odluka stupa na snagu danom donošenja.

Obrazloženje

Pri donošenju Odluke, Uprava policije MUP USK-a se rukovodila činjenicom, da je Odlukom broj: 05-04/06-1-11-635/23 od 13.06.2023.godine službeno motorno vozilo marke Ford Mondeo, registarskih oznaka A52-K-942, koje je bilo na korištenju u Kabinetu ministra, dodijeljeno Petoj policijskoj upravi Bosanska Krupa na korištenje, te da je za isto neophodno obezbijediti tehnički pregled i registraciju, da je dana 10.08.2023.godine uspješno realizirana kupovina priključnog vozila marke „LIDER“, da je tender za nabavku usluga osiguranja vozila od automobilske odgovornosti i nezgode i kasko osiguranja za 2023.godinu sproveden i zaključen ugovor za isto sa D.D „EUROHERC OSIGURANJE“ Sarajevo – Podružnica Bihać, da se nije moglo predvidjeti da će Uprava policije dobiti na korištenje naprijed navedeni Ford Mondeo, niti da će se uspješno realizirati kupovina priključnog vozila, i da se u konkretnom slučaju radi o nabavci usluga koje su neophodne da bi se dodijeljeno i novonabavljeno priključno vozilo, registriralo i stavilo na raspolaganje organizacionim jedinicama Uprave policije MUP USK-a Bihać.

U skladu sa ukazanim potrebama za uslugama nabavka će se provesti prilaganjem pojedinačnih računa do iznosa do 1.000,00 KM (jednahiljada KM i 00/100) bez uračunatog PDV-a, a sve u skladu sa članom 87. stav 1. tačka (b) i član 90. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22).

Sredstva za ovu nabavku su planirana DOB-om (Dokument okvirnog budžeta) Uprave policije MUP USK-a za period 2023.-2025.godina, Zaključak Vlade USK-a broj: 03-017-4763/2022 od 01.07.2022. godine, a predmetna nabavka će se finansirati iz sredstava budžeta Uprave policije MUP USK-a za 2023.godinu.

Članom 17. Stav (1) Zakona o javnim nabavkama BiH („Službeni glasnik BiH“ broj 39/14, 59/22), predviđeno je da ugovorni organ započinje postupak javne nabavke ako je nabavka predviđena u planu nabavki. Izuzetno od stava (1) ovog člana, za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki. Posebna odluka o pokretanju postupka javne nabavke sadrži podatke iz Plana nabavki.

Po procjeni Sektora za materijalno-finansijske poslove i informacijsko-komunikacijske tehnologije utvrđeno je da je ova odluka osnovana, odnosno da su stečeni svi potrebni uslovi za odlučivanje

Na osnovu utvrđenog činjeničnog stanja, odlučeno je kao u članu 1. ove Odluke.

Dostavljeno:

1. Sektor za mat. fin.poslove i IKT-za objavu,
2. Računovodstvo,
3. a/a



502. Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560
Web: www.mupusk.gov.ba, e-mail: mupusk@mupusk.gov.ba; mat-fin-ikt@mupusk.gov.ba